



# Inuit Ataqatigiit Inatsisartuni

---

10. juni 2008

Inatsisartut Suleriaasianni § 36, imm. 1 naapertorlugu Naalakkersuisunut apeqqut imaattoq matumuu-na saqqummiuppara:

1. Upernaakkut Inatsisartut ataatsimiinneranni Arnat Ilinniarfiannik pilersitsinissamik siunnersuut taassumalu iluani ammerinermut tunngasut (imm. 84) itigartinneqarpoq. Itigartitsinermut tunngaviutinneqarpoq ammerinermut tunngasut ilinniartitsissutiginiissaat Knud Rasmussenip Højskoliata ineriartortilereerai. Kisianni § 36 stk. 1 aqqutigalugu 26. majimi apeqqutigisama 5. juni akissuteqarfigineqarani tamanna killormut nipeqartoq oqaatigisariaqarpoq.

Tamanna qanoq paasisariaqarpa?

2. Immikkut kalaallisuuliornermik ilinniarniarluni "ILUSEQ"-mut qinnuteqartoqarsinnaava?

(Inatsisartuni ilaasortaq Agathe Fontain, Inuit Ataqatigiit)

## **Tunngavilersuutit:**

### **Apeqqu 1 pillugu:**

UPA08-mi Arnat Ilinniarfiannik pilersitsinissaq itigartinneqarmat tunngavilersuutit ilaat:

“Knud Rasmussenip Højskolia ileqqutoqqanik arnanut sammisassani atuartitsineq pikkorissartitsinerlu pillugit isumaliuteqarfigineqalereermat tamanna tunuliaqutaralugu Naalakkersuisut inassuti-gaat Arnat Højskoliannik immikkut pilersitsinissamik siunnersuutigineqartoq akuerineqassanngitsoq.”

§36 stk. 1 apeqqutiga 26. majimeersoq ilaatigut 5. juni ima akineqarpoq:

“Knud Rasmussenip Højskolia ilisimatitsivoq, højskoli ammereriaatsimut pikkorissaasarnermik ima-luunniit kalaallisuuliornermut ilinniartitsinermik maanna pilersaaruteqanngitsoq.”

Taamaattumik uannut pingaaruteqarpoq akissutit qulaani issuarneqartut sooq assigiinnginnerat paasis-sallugu.

### **Apeqqu 2 pillugu:**

§36 stk. 1 aqqutigalugu 26. maj Arnat Ilinniarfiannut Knud Rasmussenillu Højskoliannut tunngatillu-gu apeqqutima akissuteqarfigineqarnerani ilaatigut ima akineqarpunga:

5. juni akissutit ilaat:

“Sanalunnermut ilinniartitaaneq nutaaq - Ilusilersuineramik Ilinniarfik "ILUSEQ", pilersinneqarniar-poq kalaallit sanaluttarnerisa ileqquannik ingerlatserusuttunut ineriartortitserusuttunullu.”

“ILUSEQ”-mi ilinniartitaanerup siunertarivaa atuagarsornikkut assassornikkullu piginnaanernik tun-niussinissaq. Kalaallit ilusilersuisarnermut piorsarsimassusiat aallaavigalugu ilinniartup suliani nam-mineq ilusilersortassavai pilersitsisinnaassutsiminullu piginnaanini ineriartortillugit. Assassorluni su-liaqarnermi ilinniartup periaatsit atortussiallu assigiinngitsut ilisimasaqarfigilissavai, soorlu savat meqquinik, ameramik, qisummik, ujaqqamik, saviminilianik, kigummik, saanernik nassumillu atuinik-kut kiisalu kalaallisuuliornermi.”

Qulaani akissutigineqartut tunngavigalugit "ILUSEQ"-mut tunngatillugu apeqquteqaqqippunga.